



• EDITORIAL • RÂL VÊNGTU • CHHÛNGKAW CHANCHIN
» SIKULPUI HAWN TUM A NI
» KOHHRAN HMEICHHE ROEL INKHÂWM VAWI 10-NA

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXV

No. 3

E-mail: synodnews@gmail.com

MARCH, 2020

LÂWRKHAWM

MPF THU NEITU SÂNG AN THU

February 17, 2020 (Thawhtanni) khân Synod Office-ah MPF thu neitu sâng (Governing Board) an thu. He thut khâwm hi President Rev. R. Lalchanganian a kaihrui a, General Secretary Rev. R. Lalnuntluangan MPF hma lâknate a sawi. Pu Vanlalhanga, Fin. Secretary-in October 1, 2019 - January 31, 2020 chhûng sum dinhmun a sawi baw. MPF thu neitu sâng inhmuh khâwmah hian Local Council/Village Council inthlan lo awm tûr atâna inbuatsaih dân tûr rêl a ni a; MPF leh Political Party-te Thawhahona Thuthlung siam thar thlîr ho a ni baw.

RAM LAILIA THAWK MISSIONARY-TE INTUAI THARNA

India ram lailia thawk Synod Mission Board hnuaia missionary-te intuai tharna chu May 14-17, 2020 chhûng khian Zemabâwk Kohhran Biak Inah hman tûra ruahman a ni. Thupui atân 'Chak tak leh huai takin awm rawh' (Jos 1:6&9) tih thlan a ni a. Rev. Dr. Lâwmsânga ziah 'Tûnlai dinhmun Central India-a rawngbâwl dân tûr,' tih thupui zir ho a ni ang a, Pathian biak inkhâwm wawi sarih a awm ang a, hêng inkhâwmahte hian Synod Mission Board BEC member-ten thu an insawi chhâwk thîn dân a ni.

MKHC-IN CAA DÛH LOH THU THAWN

Mizoram Kohhran Hruaitute Committee (MKHC) chuan tûn hnuaia India Dân siam thut Citizen Amendment Act (CAA) an dÛh loh thu leh hlip leh tûra ngenna India President, Prime Minister, Home Minister leh State tin Chief Minister-te hnêna thawn tûrin an rêl.

SYNOD DAMDAWI IN SAK THAT A NI DÂWN

Synod Inkhâwmpuiin a lo remtih tawh angin Synod Damdawi in (Hospital) sak that hna thawk tûrin Synod Trust Committee chuan Landmark (Pu Malsawmkima Royte) a thlang a. A sak hna pawh tan theih thuai beisei a ni.

SYNOD OFFICE CHHÛNG

Synod Office kai hun chhûng chu March, 2020 aţanga August, 2020 thlengin hetiang hi a ni:

Dâr 9:30am – 5:00pm

www.mizoramsynod.org

Mizo thalai pun khâwm tamna ber

KTP GENERAL CONFERENCE ROPUI TAKA HMAN A NI


Mizorama thalai inkhâwmpui lian ber Kristian Thalai Pâwl (KTP) General Conference wawi 58-na chu February ni 27 aţanga March ni 1, 2020 chhûng khân Leisekawt Field, Sêrchhîp-ah hlim leh tluang taka hman a ni. Conference thupui thlan 'Felna Hriamhrei' (Rom 6:13) tih chu Rev. R. Lalrosiama, Field Secretary, Delhi Mission Field-in wawi thum a sawi a, Synod Moderator, Synod Executive Secretary i/c K.T.P leh Central KTP Leader-ten wawi khat theuh thu an sawi baw. Thu zir ho tûra thlan 'Eizawna leh rawngbâwl' tih chu Dr. Laldinliana Vârte, Mission Vêngin a sawi a. Rev. Rosiamliana Tochhawng, ATC-in Bible-a mi mal chanchin zirna (Bible Character Study) a ho baw.

A thlengtu lamin palai an chhinchhiah dân chuan inziak lût chin hi mi 29,860 an ni a, ram pân lam mi an sâwmte pawh an kal tha hle. Wales aţangin paruk, Taiwan aţangin pathum, SACYN aţangin pahni (Nepal leh Myanmar pakhat ve ve) an lo kal a, India ram chhûng aţang pawhni PYF, NEICCYA, MTKP, LIKKB, KKP (Manipur) leh Tripura aţang tein an lo kal a, ram pân lam palaite hian ropui an tihzia leh nuam an tihzia an hrilfak a ni.

Conference tan zânah Rev. K. Lalrinmawia, Executive Secretary i/c KTP-in kumpuan hawn leh kumpuan film hlanna hun a hmang a; Rev. Vânlalrova Kiangte, Synod Secretary (Sr.)-in Synod Choir Music Video siam thar chu Pathian hnêna hlânin, Rev. Lal Rinmawia, Kristian Thalai Editor hmasa ber-in Kristian Thalai Golden Jubilee puala Souvenir Magazine buatsaih chu Pathian hnênah a hlân a. Synod Moderator Rev. R. Lalchanganian Pathian thuchah ropui tak a sawi.

February 28 (Zirtâwpni) chawhma chu Rawngbâwl Report Inkhâwma hman a ni a, chawhnuah Variety Programme hman a ni. Kum kal ta 2019 chhûnga Bial KTP report khai khâwmnaa thil langsar deuh chu hêngte hi a ni: Pastor Bial 207-ah Bial KTP a ding a, member tamna ber chu Ramhlun North Bialah member 2,370 an awm a, member tlemna ber Buarpu Bialah 41 an awm thung. Branch KTP 879 an awm a, member zawng zawng belh khâwm chu 1,54,441 (Mipa - 95,729; Hmeichhia - 58,712) an ni. Member 1,536 awmna Mission Vêng Branch an lian ber. Report huam chungah KTP member 456 an thi a, chûng zinga 386 chu mipa niin hmeichhia 70 an ni. Innei zât 3,537 an ni a, hêng zinga 1,584 (44.78%) hi Biak Ina innei an ni. Ram puma Thawhtanni zan inkhâwm chawh rual chu 34,013 (22.02%) a ni.

February 29 (Inrinni)-ah Sêrchhîp Kâwnpui Kohhran Biak Inah Synod Moderator kaihruiin kum 2020-2022 chhûng hruaitu



Phek 2-naah chhunzawm a ni...

SYNOD Newsletter

EDITORIAL STAFF

Rev. Dr. C. Chawngmingliana
Rev. B. Sângthanga
Upa H. Ronghaka
Upa C. Thanga

Editorial

THEHTAWP CHHUAH

Eng pawh ti ila, eng pawh thawk ila theih tâwp chhuah aia pawimawh a awm âwm lo ve. Cathy Rigby-i chu US Women Gymnastics Team aţangin kum 1972 khân Munich khawpuia Olympics awm tumin an ram aiawhin a tel ve a. Gold Medal lâk pawh a tum hle a. Amaherawh chu inhliam palh avângin Gold Medal chu a la pha ta lo va, Silver medal erawh chu a dawng ta tho va. A nu leh pa bulah chuan, "A pawh ka ti hle mai. Ka theih tâwp chu ka chhuah ve asin mawle," a ti a. A nu chuan, "Ka hria alâwm, Pathian pawhin a hria, tih that ber aiin theih tâwp chhuah hi a pawimawh zâwk," tiin a lo hnêw a, a nu thurâwn chu a wawng reng a. Theihtâwp chhuah mi a nih avângin Gymnastic a chawhlan hnu pawhin lemchan lamah te, TV-a thupuan lamah te hlawhtling takin a inhmang zui zêl a. Chawimawina tam tak a dawng a, dam chhûnga mi hlawhtling ber chawimawina (Lifetime Achievement Award) pawh a dawng hial a ni. A chanchin aţang hian theih tâwp chhuah hi hlawhtlinna bul pakhat a ni tih a Chiang khawp mai.

Hmeichhe pakhat, Lal Isua bula alabasta hriak rimtui bâwm sawh keha a lua thihtu pawh khân a tih theih sâng ber a tih avângin Isua a tilâwm hle a nih kha. Rinna kawngah a ni emaw, zirna kawngah a ni emaw, ei zawnga kawngah a ni emaw, eng pawh ti ila theih tâwp chhuah a tih zêl hi hlawhtlinna a ni tih hi hriat reng tûr a ni.

PRESBYTERIAN HMEICHHE HOSTEL HRIATTIRNA

Pawl 11 leh 12 zir tûr, kum 2020-2021 chhûnga Presbyterian Hmeichhe Hostel, Kulikâwna awm duh tân ni 20.5.2020 (Nilaini) thlang dil theih a ni.

Interview hun : Ni 22.5.2020 Dar 11:00am

A hmun : Synod Committee Room I

Dilna form hi Synod Office-ah leh Warden, Presbyterian Hmeichhe Hostel, Kulikâwnah lâk theih a ni.

Sd/- Rev. B. Sângthanga

Exe. Secretary i/c Presby. Hmeichhe Hostel

Phek 1-na zawmna...

thlan a ni a, KŦP Inkhaihhraina Dân thar angin kum eng emaw chen Committee membar 20 thlan thin chu kuminah hian 25 thlan an ni a, Leader leh General Secretary (Synod ruat) nên 27 an ni. Hruaitu thlan zawh hian Central KŦP Leader kaihhruiin rorêl zui a ni a, thu rêl thlûk tlângpui chu hetiang hi a ni:

1. KŦP General Conference Diamond Jubilee lawmna programme siam.
2. Youth Recreation Centre (KŦP Project) pualin KŦP General Conference leh Rorêl Inkhâwmah te thawhlâwm bâwm dawh.
3. Youth Recreation Centre (YRC) puala thawhlâwm thawh dân pângngai zuia membar tin hisâpa thawhlâwm lâk khâwm leh.
4. YRC pual te, Chhawmdâwna pual te,

Leader	: Rev. Vânlalmuanpuia Khiangte (Synod thlan)
Asst. Leader	: Pu Rorêlkima, Ramhlun Bial
Gen. Secretary	: T.Upa Rochungnunga (Synod ruat)
Asst. Secretary	: T.Upa Malsâwmtluanga, Mission Vêngthlang Bial
Treasurer	: Pu P.C. Lalrinsânga, Dâwrpui Bial
Fin. Secretary	: Upa Lalrinmawia Râlte, Khatla Bial

Committee Members:

1. T.Upa R. Lalbiakmawia, Dâwrpui Vêngthar Bial
2. Tv. Benjamin Lalnunpuia, Vaivakâwn Bial
3. Pu Lalrinchhana Râlte, Mission Vêng Bial
4. Pu Lalruatfela, Bâwngkâwn Bial
5. Tv. K. Lalchhanhima, Ramhlun North Bial
6. Pu Johny Lalthansânga, Châlthlang Bial
7. Pu H. Lalrosânga, Luangmual Bial
8. Pu Ricky Lalremruata, Vênghlui Bial
9. Upa Saihmingshanga Sailo, Electric Vêng Bial
10. Pu Zosângpuia, Bethlehem Bial
11. Tv. Malsâwmdawngliana, Republic Bial
12. Pu L.V. Lalthantluanga, Chanmari Bial
13. Pu Johny Lalawmpuia, Armed Vêng Bial
14. Pu Lalremruata, Chanmari West Bial
15. Pu Lalremruata Pachau, Bûngkâwn Bial
16. Pu Jonathan Lalhruiatluanga, Kulikâwn Bial
17. Pu David Lalchhuanawma, Tlângnuam Bial
18. T.Upa P.C. Vânlalnunmawia, Vêngghnuai Bial
19. Upa F. Zoherliana, Zonnuam Bial
20. Tv. Vânrômawia, Chhînga Vêng Bial
21. Upa Lalchharmawia, Zemabâwk North Bial

Kum 2021-ah General Conference awm lovin 'Rorêl Inkhâwm' a awm ang a. 2022 General Conference thlang tûr hian Kolasib ruat fel sa a lo ni tawh a, kum 2024 KŦP General Conference (Golden Jubilee) hmanna hmun tûr atân Ngopa ruat a ni.

Kumin KŦP General Conference-ah hian Zaipâwl leh mi mal chanvo changten an ti tha

Hospital Charity Fund atân te leh KŦP General Conference pual tea KŦP Inkhâwm wawi khat thawhlâwm theuh lâk khâwm.

5. HIV/AIDS chungchânga hma lâk chhunzawm.
 6. Ram pum huap chaw nghei tawngtai buatsaih.
 7. Ram, khawtlâng leh kohhranah thalaite pawimawhna inzirtir.
 8. Kum puan Thupuia 'Kristian Chhûngkua' (Jos 24:15) thlan a ni a, tûm li zir ho tûra buatsaih tûra tih a ni.
- KŦP hruaitu tûra thlan chhuahten thlanpuitute kaihhruiin Office Bearer tûr an inruat leh thin a, Office Bearer ruat tharte leh Committee member thlan tharte chu hêng mite hi an ni:

tlang hle a, thupui sawitu leh Synod Puipate leh Central KŦP Leader kal chhuakten thuchah tha tak tak an sawi a, a then phe chu ni tin chanchinbuah pawh târ lan a ni hial. A thlangtu Sêrchhîp khawpui chhûng Pastor Bial pathumte an tâng rual tha a, palai leh chhimtuten nuam an tiin hlâwkpuilein an inhria.



Râl Vêngtu

Paho ni lum ai hi an lo ti-ti nak nak a. "Kohhran pawh hi eng ruai an ni lo, an rorêl pawh hi a lai lo, duhsak bik leh duhsak loh bik an nei. Biak In neih thatah an inel vak vak a. An thuhrl lah hi a rau lo thei ropui si, thlarau lam chaw ei tûr a awm lo. Pulpit tlâng hi insawisêl nân leh invuak nân an hmang a, anmahni pawh eng ruai ni bik si lo hian. Inkhâwm peih aram pawh an awm tawh loh hi. Upa leh Pastor-te pawh hian mi tlawh peih mang si lo hian kan thawhlâwm chauh hi an duh a. Bible-in sakawh a tih pawh hi thil dang a ni lo, Kohhran ngei hi a lo ni. Nawhchizuar nân an inzawm tlat lehngêl. Kei, inkhâwm pawh hi ka tum tawh hlei nê! ..." an tih lai chuan Râl Vêngtu hi kil khatah a lo ding ngawi ve reng hi a lo ni a.

Râl Vêngtu chuan, "Thlawhtheihna hi boruaka a thlawh laia a len vak loh ang aia a hmuna han belh chian chuan a lian khawp nia!" a lo ti ve khauh va. Paho chuan nuhsawh deuh ti-tih hian, "Râl Vêngtu hi i fîng viau emaw tia 'i va â ve'! Boruaka a thlawh lai te chuan a awma khi a hla êm alâwm, i hmu fiah thei rêng nân! Thil rêng rêng hla tak aţanga thlîrin a lang fiah ngai lo. Hmun leh hmunah erawh chuan thil hmuh a Chiang a, a nihna tak pawh hriat chian theih a ni alâwm, chûngte chu hriat ve âwm tak a nia!" an ti a.

Râl Vêngtu chuan, "In sawi dik zet mai. Kohhran in hmuah dân hi a dik lo hulhual chu ka ti hauh lo, a dik lai pawh a awm ngei ang. Mahse, hei hi hre rawh u, Kohhran hi in râl thlîr a, hla tak aţangin in thlîr a, in hmu fiah thei lo a nih hi. A hmunahrawn luh chilh lo, neitu chan chang takin awm ula. A chhiat a thatah 'mawh ka phur' ti khawpin intineitu bawh ula. Chutianga in luh chilha, hmun leh hmuna in awm chilh phawt chuan Kohhran nihna tak hi in hmu Chiang ve mai ang. Sunday School hming lama 'awm' tih chauh duh tâwk emaw, Krismas leh kam thar ruai siama fatu nih chauh in duh tâwk chhûng hi chuan Kohhran hi in hmu Chiang thei ngai lo vang." a ti ta zêk a. Paho tih ngaihna hre lo chuan, "Râl Vêngtu hi chu aw, 'i va â ve' te kan han ti tak na a, i thusawi hi chu a dik leh tlat thîin si. I thang kamah awhtîr che kan tum a, keimahni bawh hi kan thang kamah kan âwk leh ta a nih hi," tiin an nui ta dar dar a.

SYNOD HOSPITAL, DURTLÂNG THILPÊK DAWNTE (JANUARY, 2020)

I. CHARITY FUND:				
1.	East Lungdâr Vênglun Kohhran	₹	6,000/-	
2.	Lalruatkima Sailo, Electric Vêng, Aizawl	₹	5,500/-	
3.	Helen Lalituangi, Guwahati	₹	10,000/-	
4.	Thenzâwl Field Vêng Kohhran Pavalai Pâwl	₹	10,000/-	
5.	UPC (NEI), Zemabâwk Middle School Vêng	₹	3,000/-	
6.	Pu H. Lalsiamliana te nupa, Durtlâng Mêl 5	₹	7,000/-	
7.	Upa B. Lalinkima te chhûng, Govt. Complex, Aizawl	₹	2,000/-	
8.	Pu K. Zodingliana, Tuikhuahtlâng, Aizawl	₹	10,000/-	
9.	RK Store (Meat & Frozen), Zemabâwk North	₹	2,500/-	
10.	Khawzâwl Vêngthar Kohhran	₹	11,000/-	
11.	Zothanpuia, Zârkawt	₹	3,500/-	
12.	Hniamanga, Ramhlun 'S'	₹	10,000/-	
13.	Model Vêng Kohhran, Aizawl	₹	28,950/-	
14.	KTP, Keifâng Bial	₹	18,260/-	
15.	Champhai Kahrawt Kohhran	₹	28,100/-	
16.	K. Lalkhumliana, Champhai Bethel	₹	1,000/-	
17.	Lungdai Kohhran	₹	2,000/-	
18.	Ngopa Kohhran	₹	15,000/-	
19.	'N' Khawdungsei Kohhran	₹	3,500/-	
20.	Lalchhuansânga S/o Upa P.C. Sângluia, Vênglui	₹	2,000/-	
21.	Pu L. Khuma Colney, Bethlehem Vêngthlang, Aizawl	₹	3,000/-	
22.	F. Thangkuma & family, Bethlehem Vêngthlang, Aizawl	₹	1,500/-	
23.	Ngopa North Kohhran	₹	6,000/-	
24.	Haulawng Bial Presbyterian Kohhran	₹	5,000/-	
25.	Dr Lalmaisaama, D-3 Business Enterprise	₹	3,000/-	
II. GRACE HOME TÂN PETE:				
1.	Davida te nupa, Kolasib Vênglai	₹	5,000/-	
2.	USA Kohhran Hmeichhia — ECG khâwl lei nân	₹	35,260/-	
3.	KTP, Tuikhuahtlâng Branch, Aizawl — ECG khâwl lei nân	₹	15,000/-	
4.	Challtâng Lily Vêng 'N' Kohhran Hmeichhia — ECG khâwl lei nân	₹	12,000/-	
III. THISEN PETUTE			UNIT ZÂT	
1.	KTP, Luangmual Branch, Aizawl		24	
2.	KTP, Electric Vêng Bial, Aizawl		31	
3.	YMA, Durtlâng Branch		38	
4.	KTP, Saikhamakâwn Branch		43	
5.	KTP, Ramhlun South Branch		53	
6.	KTP, Melthum Branch		13	
IV. THIL DANG PETUTE :				
1.	Upa C. Makliana te chhûngkua, Zotiâng, Aizawl		An fapa, Tv. C.Lalremruata hriateng nân Tiffin box 10 leina tûrin ₹ 12,000/-	
2.	Dr. Lalrinliana Vârte, Mission Vêng		Palliative Care Food Kit atân ₹ 12,000/-	
3.	Pi Rozingti te chhûngkua, Khatla		An pa, Upa Zoliana Royte khuhna puan 20	

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak bawh a ni.

Sd/- REV. R. RAMDINMAWIA
Chaplain,
Synod Hospital, Durtlâng.

SIKULPUI HAWN TUM A NI

- *Lalvêna Hnamte*
Secretary, Synod Education Board

Welsh Missionary-ten zirna sikul an din hmasak ber, Sikul Sen (Boys' Primary School, 1898-a din) leh Sikulpui (Boys' Middle English School, 1907-a din)-te chu, kum 1952, July ni 1 aţangin sawrkâr kutah hlan an lo ni tawh a. Mission school a nih lai leh sawrkâr kuta a awm hnuah pawh Headmaster leh zirtîrtu tha tak takte enkawlina hnuaiah waviin thlengin zirna hmun tha a la ni ta reng a. Tûna la dam leh mual liam tawh, kohhran leh sawrkâr mi pawimawh ber berte inzir chhuahna ţangkai tak a lo ni tawh thîin bawh.

Amaherawhchu, kum 2010 Synod, Gen: 33 khân, Welsh Mission-in zirna bul min ţanpuina sikulte hi kan tân an hlut bik êm avângin, kohhranin enkawl tûra lâk lêt leh tûrin thu a lo rêt thlu ta a. Sawrkâr thuneitu hrang hrangte dâwr kualin, ministry hrang hrangte dâwr chhunzawm zêl a ni bawh a. Tichuan, kohhranin kan ngaih hlutna rilru leh enkawl zui kan duh chhante min hriat thiampuiin, May ni 29, 2019 khân School Education Minister pisaah Mizoram sawrkâr aiawh leh Mizoram Presbyterian Kohhran aiawhten, thuthlung fel tak siamin, inhlân lêtina lehkhah hming an zia a. Hei hi keini kohhran tân chuan mêl lung pawimawh zînga mi a tih theih âwm e.

Tichuan, Synod Executive Committee (SEC)-in a kalpui zui dân tûr duang tûrin Synod Puiate (OM) a ruat a, a thil kalpui tum tûr (policy) tlângpui a duan hnuin 'School Education Board (SEB)-in chipchiar zâwkin ruahmanna lo siam rawh se,' a ti leh a. SEB chuan a ruahmanna siam chu OM-ah thlenin, SEC-ah bawh thlen leh a ni a.

Chu chu SEC chuan Synod wavi 96-na, Dec. 2019 a Mission Vêng Biak Ina hmanah thlen lehin, Synod Inkhâwmpui chuan sikul hawn zui chu tha a ti a, SEC-in lo bawh zui atân a dah leh a. SEC chuan sikul hawn chhunzawm a nih theih nân SEB kuta mawhpurhna pein, SEB (BEC-349) chuan hetiang hian a rel ta a: Kum 2020-2021 sikul-a lehkhazir hun chhûng (academic session) aţang chuan **Mipa sikul, class I aţanga class VIII zirna, Mizo medium ni si, English leh Hindi tha taka zirtîr thiamna hmun ni se**, tiin a rêt a. Thawktu tûr pawh kohhran sikula thawk âwm mi tak rawih tum mêk a ni. **A hming atân pawh kan lo koh thîinna SIKULPUI vuah a ni ta bawh.**

March ni 9, 2020 aţangin he sikula zir duh tân hming ziah hun (admission) hawn ţan ni se tia rêt a nih avângin, Sikulpui hmunah ngei admission ti duhte tân th theih a ni tawh dân a ni. Uniform tûr pawh thlan fel ngêl a ni a, kawr vâ leh kekawr dumpâwl (Navy blue) thlan a ni.

RUIHHLO LEH HIV/AIDS CAMPAIGNER-TE INZIR LÂWKNA

Synod Social Front chuan February 22, 2020 khân nilêngin Synod Office-ah Ruihhlo leh HIV/AIDS campaigner-te inzir lâwkna (orientation) a buatsaih. Chawhma lamah Rev. K. Lalrinmawia, Executive Secretary, i/c. Social Front kaihhruaiin thupui chi thum – *'Ruih theih thil leh ruihhlo ngaite nun'* - Pu K. Siamchhûnga, Social Worker, Synod Rescue Home buatsaih te, *'Ruih theih thil leh Mizoram'* - Upa Peter Zohmingthanga, Asst. Commissioner Hqrs. Excise and Narcotic Dept. buatsaih leh *'Ruihhlo chungchânga sawrkâr hma lâkna'* - NI. Vânlalhruaii, Facilitator, Mizoram Social Defence and Rehabilitation Board buatsaih te zir ho a ni a, sawi hona hun hman a ni baw.

Chawhnu lam chu Rev. Lallianmawia Pachau, Director, Synod Rescue Home-in a kaihrui a, Pu R. Lalnuntluanga, Coordinator, Synod Social Front-in Ruihhlo leh HIV/AIDS do kawnga Synod hma lâk tawh dân a sawi a. Thupui chi thum baw zir ho leh a ni a, hetiang hian - *'HIV/AIDS natna leh AIDS veite nun'* - Dr. R.L. Sânglhuna buatsaih te, *'HIV/AIDS leh Mizoram'* - Pu Alan Lalmuanpuia, Prog. Officer, NACO buatsaih te, *'HIV/AIDS chungchânga sawrkâr hma lâkna'* - Dr. Lalhlengliani, Director, MSACS buatsaih te zir ho a ni a, sawi ho zui leh a ni. Synod Social Front chuan HIV/AIDS hi kum 1990 chho vel aţang khân a lo buaipui tawh a, kum 1992-ah HIV/AIDS chungchâng zir hona te buatsaihin tûn thlengin hma a la chho reng a. Tûnah hian Synod Inkhâwmpuiin nasa leh zuala ţan lak ni se a tih angin Kohhranah a tam thei anga campaigner-te hi tîrh chhuah tum mêk a ni.

KOHRAN HMEICHHE RORÊL INKHÂWM VAWI 10-NA

Mizoram Presbyterian Kohhran Hmeichhe Rorêl Inkhâwm chu March 6-8, 2020 chhûng khân Ramhlun Vênglai Kohhran Biak Inah hman a ni a, Palai, riak lûta kal 516, lûnga kal 335, an vaiin 895 an ni. Thupui thlan *'Thawh harh a hun'* (Eph 5:14) tih chu Rev. B. Sângthanga, Executive Secretary i/c Kohhran Hmeichhiain a sawi. March ni 6, Zirtâwpni zân chu 'Inlawmna leh Report Inkhâwm'-a hman a ni a, March ni 7-ah rorêl a ni. Rorêl ţan hma hian Rev. R. Lalchhangliana, Synod Moderator-in Kristian Chhûngkaw Golden Jubilee Lung (Thu ziak) a hawng. Rêl tûra chhawp thu chi hrang 16 aţangin hêngte hi rêl thlûk a ni:

1. Synod Hospital, Durtlânga Paediatric Ward NICU-a hman tûr 'Neonatal Ventilator' lei. A leina tûr budget chu Central siam tura tih a ni.
2. Ram pum huapa awm ni khama ram tân sual thupha chawia ţawngtai.
3. Thla thar Thawhlehi hmasa ber inkhâwm zâna ţawngtai thupui Central-in a siamah 'Ram chhûng leh pâwna zirlaite tâna ţawng tai,' tih leh 'Pâwngsual leh hleilenna laka hmeichhiate kan him theih nân,' tih te telh.
4. Central Kohhran Hmeichhiain 'Naupangte zînga rawngbâwna' seminar a buatsaih bawh zui nân, naupang enkawl lai neite tel theihna tûr 'Chhangche Pual Inkhâwm' buatsaih.
5. Women Centre hung chhûng remchâng laia Kraws lian phun.
6. Synod Hospital, Durtlâng leh John Williams Hospital, Lunglei pualin Thawhlehi zân wawi hnih inkhâwm thawhlâwm lâk khâwm.
7. Pathian thu zir hmeichhiate nemngheh an niha, rawngbâwnaah ţangkaia hman an nih ve theih dân kawng zawn.

Kum 2021 Inkhâwmpui Lian - East Lungdâr
Kum 2022 Rorêl Inkhâwm - Mission Vêng
Kum 2023 Inkhâwmpui Lian - Dârlâwn
Kum 2024 Rorêl Inkhâwm - Dâwruipui

March ni 7, Inrinni zân inkhâwmah Synod Moderator, Rev. R. Lalchhangliana thuchah a sawi a; a tûk, Pathianni chawhma, chawhnu leh zân inkhâwmah thupui, *'Thawh harh a hun'* tih chu Executive Secretary Rev. B. Sângthanga a sawi a, ram tana thuchah pawimawh leh ropui tak niin palaiten hria a, sawi zui pawh a hlawh hle.

A thlengtu Ramhlun Vênglai Kohhran Inrinni tlai leh Pathianni tlaiah palaite tân ruai an buatsaih a, palaiten a thlengtute inpêkna fakawm an ti hle. Inkhâwm apiangin Kohhran hrang hranga Kohhran Hmeichhe Zaipâwl an zai ţhin bâkah Women Centre Zirlai Zaipâwl, Mizoram Synod Choir, Ramhlun North Bial Zaipâwl leh Ramhlun Vênglai Kohhran Zaipâwite wawi khat theuh an zai baw.

Kohhran Hmeichhiate hmalâkna pui ber pakhat Kristian Chhûngkaw dinhmun tehna January - December, 2019-a sâng ber bial chu NE Khawdungsei Bial a ni a, an bialah kohhran pali awmin chhûngkua 572 an ni a, ni tin chhûng inkhâwmah leh buhfaithâmah zaah za niin 'No mawi' an dawng a ni.

Kum 2020-2021 Budget: Central Budget ₹ 15,00,000/- leh Women Centre enkawl nân ₹ 27,00,000/-, a vaiin ₹ 42,00,000 pawm a ni. Kohhran Hmeichhe Inkhâwmpui Lian leh Rorêl Inkhâwm thlenna tûr duan lâwk hetiang hi a ni:

REV. WILLIAM WILLIAMS BUILDING SAK A NI DAWN

Synod Inkhâwmpui 1997 Gen.6-in a lo rêl ţan, chumi hnua Synod/SEC/STC-in hun hrang hranga a rêl zui leh, Aizâwl khawpuia Hall lian sak chungchânga hma lâkna kal zêlah Synod Trust Committee chuan a sak dân tûr ruahmanna siam tûr, in sak lama mi thiam pâwlho (firm) pali a thlang a. An ruahmanna chipchiar chu a siamtu hming hre sa lova nambar chauh pea uluk taka thlan a ni a, Committee-in a thlan chu LB Associate (Pu Lalbiakmawia Ngênte) a ni. Hall pui berah mi 3,500 ţhutna rem a ni ang a, a chhawrdawhah mi 1,500 ţhutna rem leh a ni bawkin, a vaiin mi 5,000 zet ţhut theihna tûra duan a ni. Hei bâkah hian a hnua lamah pindan – mi 1,000 leng te, 500 leng te, 200 leng te leh mi 50 leng te a la awm baw ang. Mi 550 riah theihna tûr te, a ruala mi 1,000-in chaw an ei theihna tûr hmun te, car 1,000 leh lîr thei ke hnih nei 2,000 hûn theihna tûr hmun âwl awm tûra ruahman a ni baw.

Rev. William Williams building
sak tûra ruahman lem

